

448

DEO OPTIMO MAXIMO UNI ET TRINO.

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA, QUOD LIBETARIIS DISPUTATIONIBUS

*manè discutienda in Scholis Medicorum, die Jovis quintâ
mensis Aprilis, anno Domini M. DCC. LXX.*

M. PETRO-ABRAHAMO PAJON DE MONCETS;
Equite, Societatis Litterariæ Catalaunenſis Socio,
Doctore Medico, Præsidente.

An pleraque Hernia, Stypticorum ope, curari possint?

I.



UOT & quantis infirmitatibus afficiuntur homines, dùm in hoc peregrinantur mundo! In propinquo stat livida mors. Intus extrûsque obſidentur malis. Quis ſeriem enumerare poſſet? Corporis organica compages, facile deſtruitur; undique inſidiæ. Interne externeque imminet machinæ ruina. Adumbrationes hæſce imaginationi impreſſas habere, quàm Medicis amarum. Attamen felices nimium, hominibus tanta malorum iliade obrutis, ſuccurere. Beatus ille, qui veram affectat viam. Partes corporis quæ tantâ concordia coherere videntur, ſitum mutant, præſertim in abdomine ſeu ventre inferiore; hæ dimotæ, Herniæ vocantur. Harum differentiæ, nomina, natura, portenta, cauſæ, ampliſſimam ſuppeditarent dicendi materiam, de quibus tamen, brevitatís cauſâ, pauca eloquar. Intestiſtis gracilibus familiaris prolapſus, craſſa verò ita firmiter lumbis alligantur, ut citrà inſignem divulſionem, ſitum commutare rarè poſſint. In omnibus ferè abdominis regionibus, fieri poſſit ille partium contentarum lapſus, qui pro ſubſtantiarum, vel loci varietate, diverſa obtinent nomina. Peculiaria abdominis loca, quæ vel laxato vel rupto peritonæo, Herniis occaſionem dant, tria numerari ſolent, ſcilicet umbilicus, inguina, & ſcrotum. Si inteſtinum ſolum evadat, enterocœle; ſi epiploon, epiplocele vocant; & ſic de cæteris. Sed hæ diverſitates, quid ad quæſtionem, cum eandem agnoſcant cauſas, eandem ferè expoſtulent curationem? Quævis Herniæ, à continentium relaxatione aut rupturâ oriuntur. Ex plurimorum obſervationibus apertum ſit, Hernias à relaxatione potius quàm à rupturâ produci. Cauſæ internæ diſponentes quam multæ, partium continentium contentarumque laxitati favent. Herniæ efficiuntur vel à cauſis internis vel ab externis. Internæ ſunt vel à naturâ vel ab hæreditariâ labe vel à viſtu oleoſo fibrarum debilitatem producentibus. Externæ quam plurimæ, exercitia cujuſcumque generis, ſaltus, equitatio in ſuccuſſore equo, oneris gravioris

elevatio, casus ab alto; percussio; vulnus in peritonæo; tussis nimia cum vel sine vomitu, clamor ingens, expulsio fœtus fœcūmve laboriosa, flatus in intestinis, spiritus retentio, tandem omnia quæ violentam intestinorum commotionem efficere valent. Præmissis præmittendis, ut in situm reponantur partes; si à quodam medicamento astringente, agglutinateque ita stringantur peritonæi partes musculorum quæ fibræ ut de novo exitum non permittant, certè anteponenda est illa sanationis methodus.

I I.

CUM vel à relaxatione aut rupturâ Peritonæi, vel elongatione fibrarum musculorum abdominalium, ut jam diximus, originem ducant Herniæ, si tantum debilitatæ sint partes, facili erit negotio, tum victu convenienti tum medicamentis naturâ & experientiâ indicatis, contrario laxitatis effectû, hæc partes firmare. Si verò ruptum sit peritonæum validâ fibrarum constrictione, jam repositis partibus antea prolapsis, intercludi debet iter, quod astringente quodam topico, facili obtinebitur; dum internè vulnerariis medicaminibus corroborantur partes & illud sæpissime experientiâ teste probatur. Refert Ambrosius Pareus quadragenarios hoc modo restitutos & à se monachum quemdam integrè sanatum fuisse; qui cum post sexennium, pleuritide mortuus esset, aperto post mortem cadavere, inventa est circa foramen ovale, substantia adiposa, ovi magnitudine, loco tenaciter adhærens. Ne igitur, ferrea artificiosaque parentur cingula, nisi post elusam veræ sanationis spem. Ut huic tamen infirmitati medeatur, quid suadent practici? Fascias; sed ferè malo peius est remedium. Valida necessariaque compressio, partium consolidationi adversatur; fibræ præsumper contunduntur, dilatatur foramen. Quàm calamitosè vivunt illæ victimæ! Dum perpetuo catenarum alligationi damnantur; nec est melioris vitæ ulla spes.

I I I.

MITIORA tentamus remedia. Ferrea non nobis mens est. Quod attinet ad curam, in omni Herniâ duo sunt primariò scopi attendendi. 1^o. Ut reponantur partes prolapsæ in situm naturalem. 2^o. Ut iis repositis, membranæ vel ruptæ vel laxatæ consolidentur, firmenturque & in loco remaneant, constricto aliunde Herniæ orificio; ut primæ indicationi satisfiat, cautiones adhibendæ in reponendis ab omnibus notatæ, variæ pro tempore Herniæ & pro membrânarum prolapsarum naturâ, quæ expertissimam manum exposcunt. Hæc prætermittam silencio. De quibus videndi sunt Heisterus, Dionis & alii quamplurimi, qui fuscè de Herniis scripserunt. Ad secundam curationis partem propero. Ager utetur diætâ convenienti ita ut alvus sit mollis; deinde flatulenta, quæ intestina distendunt, vitet alimenta; omniâ præterea exercitia vehementiora damnosa reputet; his positis ægro, per plures dies, supino decumbente, eligentur topica quædam peculiaria, vi quâdam astringente non solum prædita, sed etiam sicante, aliquam tamen visciditatem habente. Innumeranda venit optimæ notæ series auctorum, qui de hæc medendi methodo scripserunt. Multifariam opem è triplici regno excerptam proponunt; felicique cum eventu herniosos curavisse affirmant. Ex vegetabili regno, auriculam muris seu Pilosellam luteam (a), interne Hernias infantum præcipuè, nummulariam vero quaslibet Hernias curare testatur Schroderus. Herniaria, multigrana ferpilli-folia, ab usu nomen habuit; hæc intestinorum & omenti laxitati medetur; & in his casibus, nullis cedit remediis, asserente Mathiolo; hanc enim dotem hujusce plantæ, experientiâ duce, certò intra novem dies curare confirmavit Hollerius (b). Perfoliata arvensis (c) sive interno usu pulverata adhibeatur, sive ejus essentia assumatur, sive unguentum ex illa applicetur extrinsecus, rupturæ, tum scroti, tum umbilici, egregium præbet medicamentum. Quam plurimos Herniosos restituisse scripsit Fallopius, ab usu interno polygoni centinodii. Symphitum majus (d), Hernias qualescunque, tum umbilicales tum scrotales,

(a) Vid. Er-mull. opera tom. II. Schrod. dilucid.

(b) Holler. tract. de morbis internis. cap. 62.

(c) Vid. Er-mull. tom. II. p. 13.

(d) Sennert. præd. Med. lib. III. part. I. Sect. I. cap. VI.

testante Zwelfero (e), consolidat. Plurima ex eodem regno remedia ab autoribus commendantur, scilicet Sanicula, Sigillum Salomonis, Tormentilla, Nuces Cupressi, Pix Græca, Resina Pini, Sanguis Draconis, Thus, Mirrha, Mastiches, Bdellium, &c. In Herniâ carnosâ, pulvis radices Anonidis intus assumptus ad 31, expertum est remedium à Mathiolo, Sennerto (f), Hornungio (g), Sculteto (h) prædicatum. De regno animali, axungia leporina, Herniosus conducit; axungia ursina, in intestinali Hernia convenit, si plurgatur regioni lumborum circa spinam dorsi post repositionem intestinorum, impedit quominus denuò possint excidere, & fuit secretum Dni Sulzbergeri Patris. Unde etiam Scholzius (i), Herniosos inungit cum medulla cervina, ubi est ruptio. Paratur oleum ex vitellis Ovorum valde pretiosum; Oleum lacertæ singulare secretum contra Hernias, ut videre est in Fonsæca (j), quod commendat ut arcanum pro externa inunctione. Hoc Oleum, Zwelferus (k) prodit, ubi inquit esse secretum pro principibus, nec quidem vulgari revelandum, propter mirabilem virtutem. Idem ferè dicendum de Oleo Formicarum Majuscularum, omni manè inungatur, vel etiam interdum aliquid istius liquoris assumatur. Regnum minerale, æque numerosam Herniosus fert opem. Balsamus salis gemmæ, seu liquor de Sale Fossili arcanum præstantissimum est in rupturis, intus & extus adhibetur. Prior de Cabrieres, Medicamentum proponebat, quo omnes Herniosi curari possint sine vinculo & sectione, consistebat in spiritu salis, qui certa quantitate cum vino rubro quotidie per aliquod tempus erat assumendum, D. Doctissimus Malouin (l) hoc ce commendat remedium cum infusione Sigilli Salomonis. Aqua glacie obstricta, itemque Aluminosa, & Rabelliana, & illæ quas vocant ardentes, externo usu profunt; omnia tandem quæ languentem tonum suscitare valent. Ex his omnibus remediis, composita varia concinnare licet; quorum variae formulæ, pro interno vel externo usu extant in Sennerti, aliorumque operibus, qui quidem dicit non nullos hanc curam ut certissimam, nec sine ratione commendare. Ut topica illa retineantur Sufficiunt lintæ-fasciæ, pro diversitate loci variae.

I V.

PLURIMI nobiscum consentiunt tum antiqui, tum recentiores Autores, de huius methodi efficaciam. Illorum testimonia referre necesse credidimus. Ex Autorum numero, qui de hoc morbo scripserunt, opinioni nostræ minus favere videtur Heisterus; apud quem legere est curationem quam non nulli jactitant vel tentant per Unguenta vel Emplastra, vel alia quæcumque Medicamenta, sine vincturâ inanem, vel saltem incertam esse. Attamen paulò infra. » Si idonea remedia, interna & externa, roborantia scilicet, una cum apta victus ratione accedant, cum convenienti vinculo, » affirmat Hernias recentes ac leviores sive nondum incarceratas curavisse, non in junioribus tantum aut parvulis fere omnibus, sed aliquando in adultis. » Dum medicamentorum roborantium tum interiorum tum exteriorum efficaciam prædicamus, necessum esse fateamur, ita contineri partes, ut exitui non detur locus. Hinc, de materiâ vinculum constitutæ, curationis tempore, cum Heistero solas dissentio. Non super vacante nobis visum est Autoribus jam recensitis unam aut alteram autoritatem superaddere. In observationibus communicatis Riverii (m), legere est hominem Herniâ intestinali laborasse, & curatum fuisse à tribus Emplastris, quorum singula gestavit per novem dies, cum subligaculo, ea autem conjecit ex Galbano esse collecta. In eodem libro quidam (n) asserit, præter multorum expectationem, ramicem intestini & omenti se curasse absque Chirurgi manu, maxime cum qui quemdam torquebat à decem annis & etiam à gravissimis doloribus, australi constitutione ingruere solitis, vexabatur; huic imperavit, ut in lecto se contineret menssem unum, simul quantum fieri posset adductis curibus, non divaricatis, victu siccante uteretur, nisi forte prunis elixis ex saccharo

(e) Zwelfer
Pharmacop.
Regia Edit.
ultim pag.

(f) Sennert.
lib. III. prax.
Medic.

(g) Hornung.
in Cilla Me-
dic. pag. 311.

(h) Scultet.
in Armam.
Chirurg. ob-
servat. 74.

(i) Scholzius
consil. 203.

(j) Fonsæca
lib. II. consil.
36.

(k) Zwelfer.
Pharmacop.
Regia Edit.
ultim. pag.
312.

(l) Malouin
huius Scholæ
Mag. in
Chim. Medici-
cin. pag. 490.

(m) Observa-
tion. Commu-
n. Riverii
Edit. Lugd.
1671. p. 132.

(n) Observ.
Communice-
Riverii Edit.
1672. p. 137.

& aquâ ad alvum subducendam, nullis crudis, flatuosis & coctu difficilibus, præter hædorum, suum, Arietum pedes vesceretur. Preparata vid. in observation. Riverii.

Etiâ in codice Parisiens. habes Emplastrum contra rupturam. Num sint vanæ hæc magistrorum in arte compositiones. Ablit; sin vero, cur non sæpius adhibeantur? Quam mirum etiâ mihi, omnino derelictam curandi methodum, non dispendiosam, tam facilem, cuius aded comprobati successus videntur, ut seligeretur molesta, imperfectamque sanationem producens; dùm verò perpetuò cingi ligaturis calibeatis tenetur; ægroti in omni vitæ puncto malum à mente ejicere illis non licet! Obruuntur vinculorum pondere & levem averfantes submiffionem, catenis sese alligari sinunt. Non operosam sed perfectam sanitatem miseris pollicetur Medicina; laboriosam, imperfectamque potius quærun. Quidam ægroti, pro quibus, elusa spe incassum tentata fuit illa medicamentorum energia, sæpe vel à neglectâ selectorum applicatione, vel à negligentia, vel ab ærate provectorii, in quâ fibræ jam tonum amisserunt, vel ab impatientia, vel à quodam particulari temperamento, funestam cinguli certitudinem induerunt; & pro dulci sanitatis spe commutarunt. Nunc nobiscum consentiant omnes Practici, illo tam certo utendum esse remedio, etiâ si successus minus prosperos haberet. Magna felixq. tentaminis merces.

V.

SI de efficaciâ hujus remedii, tùm apud antiquos tùm apud recentiores quam plurimos qui de Herniis scripserunt, constat? Si millies hæc methodo curatos fuisse affirmet? Cur tot & tantas observationes legisse sat nobis esset? Non in æternum vincula gerere, sed vittas tantisper circumferre necesse est. Sed, inquis, medicamentorum faraginem abhorrent ægroti, incerta que sanationis spes illos deterret; & dummodo ad munia vitæ obeunda sint habiles, nihil amplius appetunt. Vana allegario, præcipuus curationis scopus in externorum remedium applicatione, & fastidia medicaminum internorum evanescunt, solidâ sanitatis spe; præterea, si hodie fasciarum ferrearum eligitur methodus, potius practicos, quam ægrotos inculpandos esse puto. Nam quis mente sanus, dummodo discat, ope stypticorum constrngi posse fibras, itâ ut de novò intestinis negetur iter, qui dubius de naturâ remedii fluctuet? Ferreâ methodo læditur, nostrâ vero sanatur. Hinc concludere licet;

Ergò pleraque Hernia, stypticorum ope, curari possunt.

DOMINI DOCTORES DISPUTATURI.

M. Cosma-Augustinus LEZURIER, Scholarum Professor.

M. Achilles-Guillaume LEBEGUE DE PRESLE, Eques & Censor Regius.

M. Guillelmus-Josephus D'ÉPINE, Antiquus Facultatis Decanus.

M. Nicolaus JEANROY, Regii Medicorum Nancejanorum Collegii Socius Honorarius.

M. Cæsar COSTE, Censor Regius.

M. Nicolaus LE ROY DE SAIGNAN, Eques.

M. Augustinus ROUX, Regiæ Societatis rei agrariæ, necnon Regiæ scientiarum Academiæ Burdigalensis socius.

M. Petrus-Joannes-Claudius MAUDUYT DE LA VARENNE.

Lodovicus-Claudius BOURDELIN, Antiquus Facultatis Decanus, Regiæ scientiarum Academiæ, Regiæque societatis Berolinensis socius & Galliarum principum Medicus primarius.

Proponebat Parisiis BENJAMINUS-MICHAEL SOLIER DE LA ROMILLAIS;
Rhodonæus apud Armoricos Doctor Medicus Rhemensis, necnon Saluberrimæ
Facultatis Medicinæ Parisiensis Baccalaureus, A. R. S. H. 1770,
à sextâ ad meridiem.